



Universitätsbibliothek Paderborn

Exemplorvm Libri Tres

Liber Primvs Siue Vis Et Virtvs Exemplorvm, Hoc est, Solatia Et Docvmenta
- Hæc Moribvs, Illa Temporibvs Nostris Adhibita

Stengel, Georg

Ingolstadii, Anno M.DC.L.

Caput XIII. Iaponensium Martyrum exemplum Anno 1613. quàm fuerit
potens?

[urn:nbn:de:hbz:466:1-48162](#)

50 Cap. XII. Quām efficacia Martyrum sūt exempla.

vniuersæ genti prælixerunt. Nec enim illuminant tantum ex-
empla, sed etiam inflammant, tām propaganda, quām memo-
randa.

IX.

Metaphr. &
Fasti Marian
i. Sept.

Quod etiam in S. Eudoxio & socijs Martyribus manifestis-
simum fuit. Nam, vt in actis eorum habetur, cūm præsente Tyr-
ranno fides esset profitenda, & vel Christus, vel Imperator dese-
rendus, Eudoxius, Zonā statim ablatā, eam proiecit in faciem Praesidis:
hoc autem visum est alijs adhortatio, & Zelus: & totus, qui circum-
stabat, numerus, qui erant mille, centum & quatuor, bono exemplo
protinus utentes Eodoxij, ij quoque proiecerunt zonas in faciem illius,
vt eius morte inclarescerent, & eiusdem tormentis nobilitaren-
tur, cuius exemplo incaluerunt. Scilicet quemadmodum silices
in tenebris obscuri jacent, quamdiu non tanguntur; cūm verò
vel colliduntur, vel ferro percutiuntur, ignescunt, & reluent:
ita hominum virtus sāpe in tenebris delitesceret, sed exercita-
sed multis fortune, vel hostium ictibus verberata, & ipsa inca-
lescit magis, & longè clarissimè incipit radiare. Sic ergò luceat.
& lux nostra coram hominib[us], ut glorificemus Patrem nostrum, qui
in calis est, dum nempe glorioissimis exemplis Martyrum illustrati,
alios vicissim nostris exemplis & illustramus, & inflammamus,
incendiumque diuinum de incendio propagamus. Quemadmo-
dum enim nos, à Martyribus, vitam sequere ipsis, Christi amore,
projectientibus, discimus fortunam contemnere, damna ædibus,
villis, pagisque nostris illata, animo indeicto tolerare, denique
exilia ipsa quantumuis diurna sine querelis perferre: ita alij
qui hæc vident, & audiunt, erubescunt, si ipsi soli sint diuinæ ca-
stigationis impatiens. Itaque instruuntur, vt etiam suo cor-
pore excipient vulnera libenter, quæ in alienis vident esse formo-
sa & pretiosa.

C A P V T XIII.

Iaponensium Martyrum exemplum Anno 1613. quām fueris
potens?

I.



Rorsus ita est: quemadmodum domus aliqua de cælo
tacta, aut aliunde inflammata pronissimè domum vici-
nam incendit, & ignis celerrimè de tecto in tectum
transflit;

translit; ita amor diuinus de homine in hominem, & de familia in familiam potentissimā vi exemplorum propagatur. Qua de-
caussa docet S. Gregorius, ignem olim jussum ali in altari, agge-
stā congerie lignorum: manifesto videlicet signo, ignem diuini
amoris, per exempla sanctorum in nobis nutriendum. *Ignis enim
iste, inquit, in altari Domini, id est, in corde nostro, citius extingui-
tur, nisi solerter adhibitis exemplis Patrum, & Dominicis testimonijs
roboretur.* Roboratur autem, & citius accenditur, si exemplis,
velut lignis appositis, foueatur. Non omittam hīc istud ipsum
eminentissimo exemplo illustrare. Quod exemplum, & gratius
erit, quia recentius; & admiratione dignius, quia ab illis est pe-
titum, qui vix Christum noscere didicerunt; & denique tantò
potentius erit ad imitationem suscitandam, quantò plures susci-
tauit. Et quamquam id toto posset volumine explicari, si cuncta
ex ordine percensere vellem; contraham tamen & conferam in-
verba paucissima, ut compendium placeat ipsa breuitate.

S. Gregor.
lib. 25. Mo-
ral, cap. 7.

Annus Christi millesimus, sexcentesimus decimus tertius a- II.
gebatur, cūm in Iaponia, mali dæmonis odio, & Rex & primi Hanchistoriā
proceres regni, nouis cōperunt, in Christianos, furijs agitari. ex parte re-
Nimirum videbat Orcus se prædā spoliari; & Principes in delici. fert fusiū
Trias effusi ab aspero vitæ genere abhorrebat; & sacrificuli, con- gaut. lib. 7.
temptis, passim fanis, se negligi animaduertebant. Sed & Rex, Triumphor.
non tam religioni, quām sibi metuens, in graues iras exarsit. Christianor.
Hinc facere, quām pati mala melius esse ratus, atrocia cogita- apud Iapon.
vit. Neque diu hic æstus intra præcordia inclusus se cohibuit; partim Cor-
erupit illico in edicta & persecutio[n]es Christianorum.. Permul- nel. à Lapide
ti igitur horum, etiam è prima nobilitate, bonis omnibus pri- in S Pauli
mùm, tum etiam patriā priuati, in exilium eiecti sunt. Hanc Hebr. cap. 10.
mulctam adeò non defugēre, vt neque quiritarentur, & neque v. 34.
pœnam deprecarentur, sed cum tripudio atque exultantes bonis
cederent, quasi opes acquisituri, non perdituri. Nimirum hanc
solam esse vberem honestamq; usuram censuerunt, que villa &
agri exponuntur, ut æternitas sit pro lucro. Que cogitatio ita
altè insederat animo, vt etiam vltro sua nomina deferrent Gu-
bernatori, scq; Christianos esse profiterentur. Quantum enim alij
metuunt, ne prodantur ad lanienam, tantum isti timuerunt la-
tere,

tere, occasionemque amittere, aliquid pro Christo patiendi. Idque adeò constanter feceré, vt Rex, quamvis incensissimus, tantam tamen animi fortitudinem cum summa admiratione coactus sit laudare. Unicus erat Capitaneus, vt vocant, qui plus æquo bonis agglutinatus, amittere ea cùm metueret, Regi cessit, & fidem abdicauit, cælum auro postponens. Quæ res Regi iurato Christianitatis hosti, ita displicuit, vt Tribunum hunc militarem vultuosè intuens, etiam acerbè increpareret, ei vilem & abiectum animum per probrum obijcens, & non militari sed feminari, aut ducem stolatum vocans, officio moueret, militari quæ cingulo, quin etiam bonis omnibus spoliaret. Ita & fidem perdidit, & opes non seruanit, duplii iacturâ miser.

III.

Porro, inter sacerdotes iracundiae regie procellas, vt se Christiani, velut agmine facto, tanto impensis ad patientium compararent, varios modos animi obsirmandi excogitauerunt. Inter quos maximè idoneus fuit ille, vt quamdam Sodalitatem Martyrum instituerent, Sciebant enim, quām potenti catena trahantur, qui trahuntur exemplis. Nec se felicit consilium. Mox quippe ad eam Sodalitatem tria capitum millia sese aggregaverunt. Huius verò Sodalitatis prima lex fuit: *Si pro fide Christi bona adimantur, hoc spolium fortis & libenti animo tolerato.* Secunda: *Pari constantia & animo exilium & mortem pro Christianismo excipio.* Hanc, velut Christiani Draconis, sanguine sanctissimè scriptam legem sibi ipsis Iapones tulere: in hanc alter super alterum iurauere. Et verò, quod verbis professi erant, etiam re ipsa præliterunt.

IV.

Vtque videas, cum numero illis animum, rursusque cum animo numerum creuisse: Arimæ regulus, præcipue crudelitatis homo, & cui nullum crimen erat in alienum, tribunal erexit, cædi Christianorum, tragicis exemplis, peragendæ. Trepidassent alij, & latebras quæsiuisserent: at illi velut ad epulas, aut pompas triumphales invitati, ad rei istius nuntium, præ gaudio etiam exultauerunt. Et alij quidem ad exilia, alij ad verbera se preparauerunt, inter venatorum taureas scapulis patientissimis inambulaturi; alij ad ipsos se ignes autorauerunt, certa spatha in tunica ardente confecturi, *Quamprimum enim Tyrannus diem*
dixit

dixit (qui fuit septimus Octobris) illico , ex Arimensi agro , ad viginti Christianorum millia , Arimæ , contra receptum Iaponiæ morem , inermia , solis precatorijs globulis è collo suspensis conspicua , mulieribus etiam mundum omnem ad diem solemnitatis & latitia conferentibus , se se vltro stiterunt , vt legem Christianam profiterentur , & martyria vel spectarent , vel obirent ; libentiū tamen omnes martyria passuri , quām visuri . Nam & certamen inter eos erat , quinam prius morerentur . Territus tanta multitudine atque constantia Tyrannus cessit , metuq; iram superante satiū esse censuit paucorum supplicijs ceteros à Christo auertere , quām tam numerosi populi nece interituque furorem suum satiare : existimabat enim se in tot millibus hominum interimēdis haud impunè viademiam facturum .

Ergo ex omni numero , octonus selegit , quos in exemplum atque terorem reliquorum viuos iubet vñtulari . Inter hos erat par coniugum , & par liberorum . Dicitur cum matre filia , filius cum patre ; aut potius vterque parens , cum vtroque liberorum : vt quisque ter antè in reliquis , quām semel in seipso mortiatur . Persæpe aliás accidit , vt coniunx maritum à fortibus assis blandiendo renocaret ; hīc Martha Leonem Suqueymos (ita enim vocabantur) hoc est , vxor maritum ad fortia animauit . Nam quid vir faceret , si videat feminam ad suppicia tam generosè currentem ? Rursus , vbi maritum vedit vxor , nihil nisi cruentatus appetentem , Non me , post te , relinques , dixit : consors mortis ero , quæ vitæ fui : nulli me vñquam à te casus separauerunt , cur nunc & à te , & à Iesu meo , cui fortius sum deuinata , separent ? Awdierunt hæc filius & soror eius , & amore sequendi parentes , etiam prævolârunt . Horum igitur alacritate parentes facti sunt rursus alacriores ; eaque iterum alacritate nos liberis suis stimulos subdiderunt . Putares radium Solis à pariete in se refusum , dum geminatus calescit , augere æstatem . Demique filia viginti annorum virgo , nomine Magdalena , cùm ignis sparteos funes adhuc spiranti soluisset , libera persistit satis se astrictam existimans , quod iam olim Christo se per votum obstinxisset . Immo , vt sponsæ insignia gestaret , inter medios hammarum globos , letabunda exultans , ambabas manib[us] car-

V.

bones ardentes de proprio busto haustos, eosque capiti suo ipsa imposuit (quod apud Iapones magnæ reuerentia est signum) ut prunis illis, quasi punicantibus rosis, aut candardibus carbunculis castum verticem coronaret. Quis tam frigidus est, ut à tam ardenti exemplo non incalescat! Quod si nec dum sufficit, fraterculum huius viraginis intueamur, qui ne sorori cedere, aut in incendijs otiosus stare videretur, duodennis adhuc, & inter maiores victimas agnus, solutis deustisq; igne vinculis prunas, quas vicerat, festiuo pede calcans ad matrem pariter ardenter, & nō tam sua, quam liberorum incendia sentientem gratulabundus accurrit, quam amplexatus, ita audiuit intermortuis vocibus consolantem: *Fili mi celum intuere, Fili mi.* Ita iterum vegetior redditus, terque Sanctissima IESV & MARIE nomina contentiori voce inclamans, ad beatæ matris latus, & pænè in gremio extinctus concidit, refrigerioque haud exiguo parentum flammas temperauit. Quorum gaudia etiam hinc eximiè sunt cumulata, quod in summis tormentis, à tam tenera liberorum ætate inauditæ fortitudinis specimen didicissent. Mater certè inter hæc spectacula,

Expleri mentem nequit, ardescitq; tuendo.

C A P V T X I V .

Quid ex precedente historia discatur?

I.

 **V**AMQ; VAM non illi tantum didicerunt, aut exarserunt, didicerunt & arserunt etiam quotquot tunc praesentes adfuerunt, & optauissent se loco Iacobi (ita enim duodennis ille puer vocabatur) esse, aut certè cum Iacobo esse; per ignem scilicet ad refrigerantem, non jam Aganippen, sed Elysiam perennitatem. Quin immò, cùm spectatores neophyti aduertissent, ait Trigautius, hostias illas in odorem suavitatis expirasse, ultrā se non continuerunt, quin, repugnantibus frustra ministris, in medios ignes innolarent, sacras exunias flammis erepturi. Et licet ambustis vestibus corporib; ignium vestigia secum retulerint, nullum propè doloris sensum fuisse referebant, cùm intrepide prunas, & stilantia eadanera extraherent: quod an ardentibus animis, corporaq; negligencia